


皇明恩命世錄卷之一


書




















御製

天地定位	陰陽協和	星辰順度	日月昭明
寒暑應候	雨暘以時	山嶽靖謐	河海澄清
草木蕃庶	魚鼈咸若	家和戶寧	衣食充足
禮讓興行	教化修明	風俗敦厚	刑罰不用
華夏歸仁	四夷賓服	邦國鞏固	宗社尊安
景運隆長	本支萬世	正統十年十月十一日	





皇明恩命世錄總目

卷之一

太祖高皇帝

御製贊詞

卷之二

書一

招聘榜文

回勉澄心定性以凝道功書

賜褒天師旨

命普施符水旨

命選精道法師赴闕書

五



授四十二代天師大真人誥

改贈三十九代天師大真人號

改封仙姑胡氏玄君號

加授永掌道教事誥

遣代祀嵩山勅

御製諭祭文

卷之三

授四十三代大真人誥

特召入朝勅

賜勉修節以格神明勅





封包氏玄君誥

禁私出符籙旨

成祖文皇帝

永樂紀年

命編進道書勅

命齋事有應獎勅

命專出符籙旨

命邀請真仙張三伴勅

再命尋訪張三伴勅

遣行人諭祭文

皇太子遣祭文





卷之四

授四十四代大真人誥

命擇好道之士遣用勅

頒賜太和圓光圖并榔梅勅

命選武當山住持勅

書一

命禱于福建靈濟宮瑞應獎勅

二

召勅

封孫氏玄君誥

命祈謝大齋瑞應獎勅

命建薦揚大齋瑞應獎勅



宣宗章皇帝

宣德紀年

推恩申錫嘉號勅

加封誥

遣太監諭賜祭葬文

卷之五

授四十五代大真人誥

贈孫氏玄君誥

英宗睿皇帝

正統 天順紀年

封董氏玄君誥

遣禮部郎中工部主事諭賜祭葬文



卷之六

授四十六代大真人誥

贈父真人誥

封母高氏太玄君誥

禁約族屬人等欺害勅

書一

頒賜藏經旨

禁諸人私出符籙勅

加封高氏太玄君誥

再加封高氏太玄君誥

景皇帝

景泰紀年



加封四十六代大真人誥

憲宗純皇帝 成化紀年

申禁假造符籙勅

再加封四十六代大真人誥

卷之七

授四十七代大真人誥

封母吳氏玄君誥

申禁偽造符籙勅

孝宗敬皇帝

弘治紀年

賜准致仕勅



賜褒問書

諭禁止偽造符錄勅

賜畫軸銀幣敕

命賫香儀勅

卷之八

授四十八代大真人誥

武宗毅皇帝 正德紀年

修建大上清宮勅

世宗肅皇帝 嘉靖紀年

加封大真人誥

卐

卐

加封大真人勅

命祈禱于太和山勅

重建大真人府第勅

欽頒神像并賜印記諭

重修大上清宮勅

書一

准照舊蠲免通戶差徭旨

提問沿途違慢官吏旨

命沿途衙門應付勅

命往齊雲山修醮勅

聖母升遐示哀手書

四





賀生子手書

暫免入朝勅

贈朱氏宋氏玄君誥

贈李氏吳氏柳氏玄君誥

再暫免入朝勅

御札賜嗣子名

特賜侯爵例祭塋卹典諭

遣行人諭祭文

卷之九

授四十九代大真人誥

賜伯爵服旨

賜增應付旨

暫免入朝勅

申勅所司照舊優免給與新例勘合應付

旨

書一

諭有司官員人等不許欺慢勅

五


封徐氏元君誥

禁族屬人等侵害勅

遣行人諭祭文







皇明恩命世錄總目

皇明恩命世錄卷之一

書一

太祖高皇帝賜龍虎山二十代天師贊

第一代張道陵

驅風疾霆機幹萬靈亶惟神智使濁而清  
道常無隱滿腹仙經鹿奔虎乘儵然上升





第二代張衡

步武飛虛至妙而樞握符而決神駕羊車  
周旋玉京萬里須臾坎離是會深淵躍魚

第三代張魯

載承載闡松底爐煙天桃洞蕊實實三千

書一

六

白鶴翹空巖下鹿眠九霄環珮火棗年年

第四代張盛

繼符繼經上徹天庭永張斯教轉斗移星  
朝遊北海蒼松暮迎一祖師志鹿車是乘

第五代張昭成

袖劍而趨光射斗墟萬靈咸聽神步天衢  
斬妖縛邪與師無殊禦災捍患氣吐而舒

第六代張椒

鉛汞成砂煙結紫霞洞裏乾坤春意桃花  
不善人師不已而誇壺中日月更何以加

第七代張回

撫鹿蒼松羽扇登峯道合無為繼師而封  
不善而善密有神功知常守默樂道從容

第八代張迥

如不尚俗愛居茅屋白鶴一雙猶騎麋鹿



月下星奔使黃而綠道氣常存歲歲辟穀

第九代張符

醉眠松底白雲籠衣似醅醒後使幽微  
至神有設鶴翅劍飛群妖斂迹巨怪悉夷

第十代張子祥

書一

七

洞花纒綻春松翠微高卧白雲仙茅為衣  
呼泉叱咤役劍神飛無上至真可以為奇

第十一代張通玄

演黃梁幻運鍾離機驅雲以從致雷電飛  
萬壑松聲丹光夜宜鶴髦飄然煙霞是宜

第十二代張恒

道德齊名鞭雷策霆按劍瞑目妖氣不生  
神遊八極上至天京宜執宿緣物外常明

第十三代張光

九轉靈鉛砂汞當先茅飛去處妖形倒懸

神樞怒目下察黃泉仰觀三界浩氣如煙

第十四代張慈正

朝降崇巔酤入市廛過飲弗醉暮歸紫煙  
山雲松掃洞鎖千年和光同塵玄之又玄

第十五代張高



漆園善紀槐國昭然同此习化千古尚傳  
師能善已乃達於仙虛靈不昧道氣常全

第十六代張應韶

繼傳十六人皆辟穀日食黃精貌態異俗  
歲月以來亦復如復牛背西風蒼山一曲

第十七代張頤

至危而全難去而天乃知爾仙乃知爾賢  
流派十七道氣陵煙孰謂其顛孰謂有緣

第十八代張士元

飛符有驗始祖有傳至於斯世名播八埏

丹光上升斗氣愈鮮精神徘徊常在三天  
第十九代張修

嵐光蔽山丹氣雜然飛符檄鬼無敢不前  
孰謂爾靈孰謂爾玄掛冠解衣樂道便便

第二十代張謚

書一

冠山衣雲道氣常淳芬子有機鑄內猶渾  
盤中數著黑白星奔無上至妙丹田厚坤



皇明恩命世錄之二

四十二代天師大真人張正常

招聘榜文

吳王令旨江西等處行中書省蓋聞玄教無  
為默贊國家之治

書一

九

皇猷大啟丕崇道德之風乃眷至人素居福  
地既已歸於版籍必特表其儀形信州龍  
虎山正一教主天師大真人衍華胄於留  
侯紹真傳於老子身受祖師之託役彼百  
靈心與造物者遊超乎萬類凡有知覺固



不暇依但因兵革以來遂使公庭多故近  
聞冠珮遠寄江湖爰伸物色之勤庶冀旋  
居之速省府除已差官齎香前詣龍虎山

宗壇敬奉

真仙祝延

聖壽外合行出榜曉諭仰總兵官及有司官  
員訪求天師多有招聘禮請入山依前住  
持道教但係龍虎山宮觀殿宇及供器什  
物諸人毋得作踐損壞褻瀆神明舊管山  
園田地房屋悉聽為主諸色軍民人等不

許奪占違者治罪須至榜者

龍鳳六年 月 日給

本年四月

回勉澄心定性以凝道功書

吳王書致

玄壇教主四十二代天師張真人五月六  
日俞真人來捧至箋文并有竒香素羅之  
獻誠意甚厚足見名山文物之盛吾聞漢  
祖天師道德在躬動得鬼神之助一噓一  
吸間天道為之晦冥雷霆諸神莫不受命

以此輔

國濟民除其妖孽援其水旱故靈名歷四十餘代而愈著也今吾師既臨乃祖之位序當繼乃祖之成烈有非他術之可同者願師澄心定性以凝道功使前靈之跡書一蓋顯則龍虎之山益崇而人益仰望也十夏月道體平安否尚冀千萬加愛

乙巳年

上召見

命坐賜宴



賜褒天師旨

吳王令旨夫天地之間品類不等生而無窮  
惟人最靈然而神聖之生賢人所降非常  
也皆得天地至靈之氣故然亦世間聖賢  
之常也有天假其能因天授人之歟或為  
帝王或為將相如釋道焉或為佛或為仙雖  
或天地正氣所生是由天假其能故成數  
等予聞漢祖天師生而異常眉峰鬚橫兩  
目星馳電轉神威萬倍始西蜀詣龍虎後  
使鬼神肇造玄壇非獨自己為能止了身

心實與國民有補焉至是捍 大患禦大  
灾明乎三界鬼神相繼留傳歷代代代無  
有不崇者何也蓋由天師靈而有益者是  
也予自草萊因天下變為衆所尊不敢不  
竭心之誠以安民庶每聞天師今為我見

書一

十一

快哉一覩觀面天師瞳樞電轉法貌昂然  
雖不職事於朝廷同我一時豈不干載一  
遇也可不奇哉然而釋道之玄深有意焉  
愚者未知知者勿迷故常則吉非常則禍  
福增減矣然天師法貌其容同祖故有賜

上再召入對仍  
賜宴及金幣還山

丙午年

命普施符水旨

吳王令旨予聞漢天師妙用玄機通天透地

濟物利人為國家捍患禦灾歷代聖賢所  
禱無不感應今天師息於朝天宮士民濟  
濟求符師當斟酌放符驗其有無患難與  
可與之人而無患難之家與訖一符他日  
患難暴生愚民無所知將謂符法所驗或



有相輕互相轉說為師之慮莫若從有患者給無患者卻此說未知當否宜與諸法師會議普施符水深潛妙用以秀山靈可也

上聞病疫者飲井中符水獲差

聖意嘉其命作亭于井上號曰太乙泉

命進太上延結錄

准辭還山

特詔中書給驛券昇之以便朝覲

吳元年丁未二月初八日

命選精道法師赴闕書

吳王書致

玄壇教主龍虎山張天師

予近自正月為國家之事心所欠者欲奏  
聞

書一

十二

上帝柰無人捧詞至干

天庭故差人詣天師門下望天師以彼祖宗  
之靈必當誠心差精通道妙之師捧詞達  
天以申祈禱之情即師之虔意也書呈幸望  
令能者之師前來再不多叙

本年五月

洪武元年

上登大寶位

錫宴于便殿

上顧諭曰茲授卿以大真人稱號誥命將議

給食祿既而

面可辭俸之奏俾專出符錄如故事

恩免通戶及大上清宮各色徭役永為定例

命給銀印視正二品設贊教掌書佐理等官

授四十二代天師大真人誥



奉

天承運

皇帝制曰朕惟玄教真風闡五千餘言之典  
祖庭積慶衍四十二代之傳地靈毓龍虎  
之英仙骨竦鶴鸞之表掌茲正一品佑我

書一

三

大明天師張正常簡素性成端凝大賦琳書  
寶札探秘妙於珠黍之中絲輿瓊輪超冥  
漠於璇霄之上仗劍則鬼神聽令登壇則  
雷雨應時卓爾天人之師允矣神明之胄  
然道德不拘於名爵性情貴守於中和夫

何近代以來特授官資之顯揆以至理未  
足為榮用制真人之美稱俾冠道流於當  
世聲揚寰宇法主宗壇予欲通誠於九天  
汝則以精神而運用予欲敷治於四海汝  
則以清靜而輔毗茂膺寵元永綏福履可  
授正一教主嗣漢四十二代天師護國闡  
祖通誠崇道弘德大真人領道教事宜令  
張正常准此

制 誥

洪武元年三月初一日

之寶

准辭還山

上御謹身殿從容謂曰卿乃祖天師有功於國所以家世與孔子並傳以迄于今卿宜體之以清靜無為輔子至治則予汝嘉諭

畢出白金十五鎰

賜之俾葺府第

二年二月

特召入朝

上御奉天殿



賜見預命設安待之是月  
垂顧問者四二月十三日

上將通誠於

天帝致齋三日御袞冕親署  
御名于重勅太常設樂

書一

手授俾祝而焚之禮成

西

賜金幣宴于文樓群弟子饗於別館賞賚有  
差

三年六月

上錄功馳寵

特勅吏部改贈正常父三十九代天師太玄  
輔化體仁應道大真人嗣成為正一教主  
大玄弘化明誠崇道大真人改封正常母  
明慧慈順仙姑胡氏為恭順慈惠淑靜玄  
君

上一日召見問以鬼神情狀  
命更給掌天下道教銀印

五年

加授永掌道教事詔

奉

天承運

皇帝制曰朕惟道家者流本於清靜無為其  
來尚矣龍虎山張氏自漢以下宗派相繼  
其四十二代孫正常存心冲澹葆德純和  
遠紹宗傳以守正一朕用嘉之是宜錫以  
書一  
真人之號爾其益振玄風永掌其教焉可  
十五  
授正一嗣教護國闡祖通誠崇道弘德大  
真人掌天下道教事宜令張正常准此

制 誥

洪武五年十二月 日



之寶

九年

上遣使召忽先期入

見

上喜曰卿來何與朕意相符明年秋朕將遣

使祠海嶽諸神卿當妙柬清修之士與其  
偕來

賜宴及金紋法衣玉圭珮法詔之屬

十年

命率弟子至京

上召見

錫宴午門之城樓

上舉爵謂曰卿宜罄此一觴

勅內侍官出

御製歷代天師贊示曰他日當書以賜卿明

日

詔偕太師韓國公李善長代祠嵩山分遣大

臣

與弟子代祠群望仍

賜衣二襲及楮幣有差既還復

命錫宴賞如初

遣祠高山勅

勅正一嗣教大真人張正常

朕聞天生民而立君君為民而立命所以  
謹百神之祀乃國之先務也朕與卿等當

書一

十六

群雄角逐之時戰勝攻取非

上天

后土之眷命嶽鎮海瀆之效靈安能如是今  
者新秋在邇嶽鎮海瀆之祀禮當報謝古  
者君狩方隅詣祠而祭朕為新造邦基民



生方始未獲親往特命卿等代朕以行奉  
犧牲祝帛於神所故茲勅諭汝往欽哉

勅命

洪武十年六月 日

之寶

十一年

上聞禮部尚書張籌代奏訃音

天衷嗟悼良久且曰朕欲命其徧祠五嶽今  
方一至嵩山何期大數止於此遂親製祭  
文一通

詔遣前浙江行省叅知政事安慶詣山

諭祭

維

洪武十一年歲在戊午正月甲戌朔越二

十日癸巳

書一

十七

皇帝遣浙江叅政安慶致祭于大真人張正

常之靈曰繼出世法統仙度人禦災捍患

機幹萬靈飛符仗劍轉斗移星雷神聽令

妖魁潛形道光斯著貌正精英何乘鸞之

去急控法印於上清今遣人祀以牲醴爾

其有知尚饗

皇明恩命世錄卷之二

卐



皇明恩命世錄卷之三

四十三代大真人張宇初

洪武十三年

授大真人誥

奉

天承運

皇帝制曰朕聞上古之君天下者民從者四  
曰士農工商而始漢至今率民以六加釋  
道焉所以道明者由爾宇初之祖通神善  
幻化能恍惚升入太虛冒廓落之罡風吞

書一

十六

宇宙之浩氣以是利濟群生功著歷代所  
以法傳之久香燈之永蓋為行深願重德  
敷上下精神愈靈前真人既往爾當世嗣  
特遣使詣府命爾為正一嗣教道合無為  
闡祖先範大真人領道教事爾其慎哉欽

哉

制誥

洪武十三年二月二十八日

之寶

特召入朝勅

皇帝勅諭前真人張正常嗣子宇初昔之能  
名於海內始漢至今所以不泯者蓋為禦  
灾捍患之妙功達於君利及於民故有不  
泯者為此也邇聞服制且終當正教中之  
首率徒以修符至一來朕當諭爾爾其不



貳其心則上下格矣故茲勅諭

勅命

洪武十三年二月二十八日

之寶

賜勉修節以格神明勅

書一

十九

諭正一嗣教大真人張宇初書秘訣與在繼

傳不息也其運玄元之真而驅萬靈如影

響則用已之際神以契符訣之妙則繼傳

不息之道豈不倏哉而感應也歟否若是

雖善秘書精指訣雖萬千之熟亦何應哉

且爾祖至今繼世名世者以其禦災捍患也爾正幼年當節修節潔精魂思與神通有時則當用之際神必爾赴故茲勅諭

十四年

封包氏玄君誥

奉

天承運

皇帝制曰人臣有名位者婦以夫榮母因子貴此古今令典也爾正一嗣教真人張宇初母包氏篤生賢子克紹玄宗特封清虛

冲素妙善玄君爾惟敬哉以承恩命

制誥

洪武十四年正月二十日

之寶

十六年

勅召赴京

命建玉籙大齋於紫金山

十八年

命醮禱兩於神樂觀

二十三年



特勅重建太上清宮

二十四年六月初一日

禁私出符籙旨

該禮部欽奉

聖旨江西浙江福建等處多有假借張真人

書一

干

各色私出符籙惑民取財令出之後犯則

斬首示衆家遷化外欽此八月

須給龍虎山正一玄壇之印俾鎮護名山關

防符籙

三十五年

賜緡錢葺大上清宮

永樂元年

命陪祀天壇

四年

命編進道書勅

勅真人張宇初前者命爾編修道書可早  
完進來通類刊版故勅

廣運

永樂四年十一月十九日

之寶

五年

命建齋有應獎勅

勅正一嗣教真人張宇初

朕惟玄元之教統大道之宗闔闢陰陽幹  
運神化混融三界總攝萬靈行其道者非

書字

王

精誠之至曷能感通比者

仁孝皇后崩逝特命爾率諸道衆爰舉薦揚

啟玉籙之齋科宣琅函之秘典百日之內

瑞應駢臻燁五色之慶雲爛九天之瑞靄  
青鸞繚繞於琳館白鶴飛舞於瑤壇五色



祥光通明徹夜斯皆由爾法承先祖道契  
至真探玄牝之微贊虛無之化克遵朕命  
以展純誠暨諸道衆修持善行葆練精和  
執恪秉虔輔勤昭事其中亦有至人道化  
高妙出顯入微靈變不測感朕誠心來臨  
法會證盟善功朕德薄所未能知者藉茲  
衆善是以上玄響答茂集嘉禎覩茲感應  
之彰明允想神靈之獲慶超登大梵永遂  
逍遙式副朕懷特申嘉獎爾其益懋神功  
愈致精一洞明妙化渾合無為弘闡宗風

翼我皇度欽哉故勅

廣運

永樂五年十月十五日

之寶

六年三月奉

聖旨符籙一節止許張真人門下出給欽此

四月

命進太上延禧籙建齋五壇禮成

特命更給驛券還山

命邀請真仙張三伴勅

勅真人張宇初今發去請張真仙書一通香  
一炷真仙到山中爾即投此敬邀一來以  
慰朕企佇之誠故勅

廣運

永樂六年十月初七日

書一

之寶

七年

三二

再命尋訪張三伴

說與張真人爾可用心尋訪張三伴老師傳  
此數日我心神有將與相遇之意如得見



爾可與之同來須厚加禮遇切勿輕忽故  
勅

廣運

永樂七年八月十三日

之寶

八年

大駕駐蹕北京

皇太子監國遣行人陳遠

賜祭曰卿夙究玄範紹乃祖風守素抱冲  
光闡教事祝釐迎嘏用效勤勞膺受恩榮

厥有年歲何其一旦遽然長逝聞之悼傷  
爰特賜祭惟靈不昧庶其饗之

九年

天衷追悼遣行人蕭榮特加

諭祭曰爾懷清靜願真葆和究洞玄太微之

書一

二十一

秘明無極自然之體游神太素秉握道樞

呼吸風霆幹運靈化光揚祖範綱領玄宗

上以陰翊皇度下以濟拔群生方期永贊

於鴻禧何以脩然而羽化爰特遣人賜祭

用示朕懷爾其饗之

皇明恩命世錄卷之三



共錄



